

曲拾一函

□ 13

3035

童子問標釋



4 5 6 7 8 9 30 1 2 3 4 5 6 7 8 9 40 1 2 3 4 5 6 7 8 9 50 1 2 3 4 5 6 7 8 9 55

口 13
3035
門
卷

寃保壬戌新刊

童子問標釋

平安文泉堂藏

右所中人名尤官中書物

卷三

年号

金圖書
九郎氏
大正三年
一月

童子問標釋卷之上

男長胤 輯

歐陽子

歐陽修字永叔著易童子問

輔漢卿

輔廣字漢卿慶源人史稱其淳謹勤恪嘗著

四書纂疏詩傳童子問以發師旨見淵源續錄

○又按袁機仲著書名童子問見弘簡錄

大方莊子則陽篇在物一曲夫胡爲於大方林希逸

云大方大道也

先入之言通鑑哀帝紀王嘉曰願陛下觀覽古戒反

卷三

三

959

覆參考無以先入之言爲主○晁氏客語王荊公教元澤求館賓須博學善士或問發蒙何必爾公曰先入者爲之主○按元澤名雱荆公之子也炳如丹青揚子法吉君子篇或問聖人之言炳若丹青有諸曰吁是何言歟丹青初則炳久則渝渝乎哉傾囷倒廩韓文答竇秀才書遇足下之請懇懇猶將倒廩傾囷羅列而進也

水到船浮陳眉公安得長者言水到渠成瓜熟蒂落此八字受用一庄○湛甘泉詩云天命流行真機活

潑水到渠成鳶飛魚躍見李氏續藏書
大寐橫渠謂范巽之曰庶游心浸熟有一日脱然如大寐之得醒耳

醍醐品字篆醍醐酥之精液燒之可得美酒佛書從乳出酪從酪出酥從生酥出熟酥從熟酥出醍醐故西域以醍醐爲上味

嗜異味五雜俎嗜異味者必得異病狹怪性者必得怪證習陰謀者必得陰禍作奇態者必得奇窮此格言也故曰君子依乎中庸

五經博士漢武帝建元四年始置五經博士見本紀歷選司馬相如封禪文歷選列辟以迄於秦文頴曰選數也

磅礴字彙磅普卽切隕石聲礪彊角切磅礴混同貌又廣被也又充塞也

蠶絲牛毛吳艸盧朱子贊云義理玄微蠶絲牛毛

彝器左氏傳昭公十五年故能薦彝器於王○杜

預曰彝常也謂可常審之器若魯器之屬

人外無道明道曰道之外無物物之外無道是天

地之間無適而非道也近思錄取之本書語本乎此然其下則曰釋氏之學於敬以直內則有之矣義以方外則未之有也又曰吾道則不然率性而已斯理也聖人於易備言之則程子所云道者與此書所言大爲不同

捕風捉影前漢谷永傳求之盪盪如係風捕景終不可得是以明王距而不聽聖人絕而不語

光明閃爍朱子答廖子晦書云詳來書正謂日用之間別有一物光輝閃爍動蕩流轉是卽所謂無極之

真所謂谷神不死所謂無位真人此釋氏語正谷神之酋長也

敦厖左氏傳成公十六年楚大夫申叔時曰民庄敦厖和同以聽○杜云敦厚厖大也

按欵唐則天紀通鑑來俊臣鞫之不問一欵又曰僞立案奏之○胡三省曰獄辭之出於囚口者爲欵欵誠也言所吐者皆誠實也案考也據也獄辭之成者曰案言可考據也凡官文書可考據者皆曰案○正字通凡官府興除成例及獄訟論定者亦曰案○夢

溪筆談蜀中劇賊李順陷劍南文璉家有李順案欵本末甚詳○又果老答富樞密書云據欵結案葛藤少許

開來學張橫渠曰爲天地立心爲生民立道爲太聖繼絕學爲萬世開太平近思錄取之

漢宋儒先指漢淮南王劉安及程子經說中庸章句所說安淮南厲王之子高帝之孫也招致賓客著書曰淮南鴻烈解卽淮南子也○淮南子齊俗訓曰率性而行謂之道得之天性謂之德性失然後貴仁道失

然後貴義是故仁義立而道德遷矣禮義節則純樸散矣是非形則百姓眩矣珠玉尊則天下爭矣凡此四者衰世之造也末世之用也○二程全書經說云天道降而在人故謂之性性者生生之所固有也循是而之焉莫非道也

自私明道定性書云人之情各有所蔽故不能遁道大率患在於自私而用智

細繹書丘政克由繹之蔡沈曰克由繹之者能細繹用之而盡其才也○漢書谷永傳曰燕見細繹以求

咎愆師古曰細讀曰抽細繹者引其端緒也

叔季字彙叔世季世也一曰國衰爲叔世將亡爲季世

蠍

爲鬼爲魅詩小雅何人斯篇爲鬼爲魅則不可得括而羽之家語子路初見篇子路曰南山有竹不揉自植斬而用之達于犀革以此言之何學之有孔子曰括而羽之鏃而鐫之其入之不亦深乎子路再拜曰敬受教○注括箭筈羽所以揚之鏃箭及礪所以利之

射隼易解卦上六曰公用射隼于高墉之上獲之無

不利

多識易大畜卦大象曰天在山中大畜君子以多識前言往行以畜其德

軒輶詩小雅六月戎車既駕如輶如軒

一片火寸輟耕錄枕人削松木爲小片其薄如紙鎔硫黃塗木片頂分許名曰發燭又曰猝兒蓋以發火及代燈燭用也陶穀清異錄呼引光奴今遂有貨者易名火寸則猝寸聲相近字之譌也○清異錄夜中

有懸苦於作燈之緩有智者批杉條染硫黃置之待用一與火遇得燄穗然既神之呼引光奴今遂有貨者易名火寸

撲滅書盤庚云若火之燎于原不可嚮邇其猶可撲滅內聖外王莊子天下篇云是故內聖外王之道闇而不明鬱而不發林希逸曰內聖體也外王用也內外之道至此不明

枵腹正字通凡物飢耗曰枵人飢曰枵腹地以上胡寅曰天非若地之有形自地而上無非天

也昔人以積氣名其象以倚蓋名其形皆非知天者真德秀曰楊倞註荀子云天無實形地之上空虛者皆天也

高論東坡苟卿論苟卿者喜爲異說而不讓敢爲高論而不顧者也

窮異桺子厚時令論上聖人之道不窮異以爲神不引天以爲高利於人備於事如斯而已矣

錐刀左傳昭公六年晉叔向曰錐刀之末將盡爭之杜注云錐刀末喻小事

鑪鍊莊子太宗師曰皆在鑪鍊之間耳○注李秉一曰鑪所以鎔鑄鍊所以鍛鍊○象山與吳叔有書曰舊習深固少緩爐煙則所感密消唯存虛氣而實皆舊習矣

壽考韓文八公佛骨表云昔者黃帝在位百年年百十歲云云此時天下太平百姓安樂壽考然而中國未有佛也

六朝吳東晉宋齊梁陳皆都建業謂之六朝建業避晉諱曰建康又曰金陵

亂亾佛骨表又云漢明帝時始有佛塔明帝在位纔十八年耳其後亂亾相繼運祚不長

小康禮記禮運篇大道既隱天下爲家云如有不由此者在執者太衆以爲殃是謂小康○鄭註云康安也正義云比大道爲劣故曰小安也

跛行喙息淮南子原道訓跛行喙息蠻飛蟻動○漢書公孫弘傳跛行喙息咸得其宜師古曰跛行有足而行者也喙息謂有口能息者也跛音岐喙音許穢反

吳氏吳氏名穢字才老宋人

矯枉孟子誌矯枉者過其正

剪勝剪勝剪綵也事物紀原曰花朵起於漢剪綵起於晉又曰人日造花勝相遺

矜持晉王羲之傳太尉郗鑒使門生求女婚於王導門生歸謂鑒曰王氏諸少並佳然聞信至咸自矜持惟一人在東床坦腹食獨若不聞鑒曰此佳婚耶訪之乃羲之也遂以女妻之

七方醫書有七方十劑之目大方小方緩方急方奇方偶方複方是爲七方宣劑通劑補劑洩劑輕劑重

劑滑劑澁劑燥劑潤劑是爲十劑李時珍本艸序例詳著其說

天理之公程子曰仁者天下之公善之本也又曰仁者天下之正理又曰公而以入體之故爲仁

當理當理李延平說

宋儒之說朱子大極圖解云天下無性外之物而性無不在此無極二五所以混融而無間者也○按此等性字先儒替理說○又曰程子之言

肯綮莊子養生主技經肯綮之未嘗而況大輒乎林

云綮音頃肯綮者骨肉相著處也陸方壺云肯綮骨肉聯絡之處筋節所在也大輒大骨也

觀雞雛朱子曰元只是初底便是如木之萌如草之芽其在人如惻然有隱初來底意思便是所以程子謂看雞雛可以觀仁爲是那嫩小底便是仁底意思在○問觀雞雛此可觀仁何也曰凡物皆可觀此偶見雞雛而言耳分註小小之物生理悉具

切脉程子曰於靜中皆有春意切脉最可體仁○朱子語類云問程子謂切脉可以體仁莫是心誠求之之意

否曰還是切脉底是仁那脉是仁曰切脉是仁曰若如此則當切脉時又用著箇意思太體仁復問蜚卿曰仲思所說如何曰以伯羽觀之恐是觀雞雛之意曰如何曰雞雛便是仁也曰切脉體仁又如何曰脉是那血氣周流切脉則便可以見仁曰然恐只是恁地脈理貫通乎一身仁之理亦是恁地又問雞雛如何是仁楊道夫曰先庄嘗謂初與嫩底便是曰如此看較分明蓋當是時飲啄自如未有所謂爭聞侵陵之患者只此便是仁也

家常范文正公曰常調官好做家常茶飯好喫
惻隱之心孟子曰惻隱之心仁之端也○趙岐曰端者皆也人皆有仁義禮智之資可引用之○孫奭曰孟子言人有惻隱之心是仁之端本起於此也有羞惡之心者是義之端本起於此也有辭讓是非之心者是禮智之端本起於此者也此孟子所以言惻隱羞惡辭讓是非四者是爲仁義禮智四者之端本也
打成一片語類百一十二今來伯恭門人却亦有爲同父之說者一家打成一片可怪

魯齋先生許衡字平仲河內人號魯齋仕元世祖累官至中書左丞諡文正追封魏國公以道學鳴有文集並心法一卷

從而爲之辭韓文對禹問曰孟子之所謂天與賢則與賢天與子則與子者何也曰孟子之心以爲聖人不苟私於其子以害天下求其說而不得從而爲之辭三綱九法韓文八與孟簡尚書書曰聖賢之道不明則三綱淪而九法斁禮樂崩而夷狄橫○朱子敬齋箴云三綱既淪九法亦斁二綱謂君爲臣綱父爲子

綱夫爲婦綱九法卽洪範九疇也

天不生朱子語類九十二天不生孔子萬古長如夜唐子西嘗於郵亭梁間見此語云云○性理大全作如長夜○宋唐康文錄蜀道館舍壁間題一聯云天不生仲尼萬古如長夜不知何人詩也

宋儒伊川曰孟子曰惻隱之心仁也後人遂以愛爲仁愛自是情仁自是性豈可以愛爲仁孟子言惻隱之心仁之端也旣曰仁之端則不可便謂之仁退之言博愛之謂仁非也仁者固博愛然便以博愛爲仁

則不可。

昏昧放逸孟子曰求其放心而已矣集註云能如是則志氣清明義理昭著而可以上達不然則昏昧放逸雖曰從事於學而終不能有所發明矣

○**大傳**易上繫辭之文○老學菴筆記歐陽文忠公立論易繫辭當爲大傳蓋古人已有此名不始於八也○**王海史記**大史公論六家要指曰易大傳曰天下一致而百慮同歸而殊塗註張晏曰大傳謂易繫辭

童子問標釋卷之上終

童子問標釋卷之中

男長胤輯

煦煦子子韓文原道彼以煦煦爲仁以子子爲義仁義中正出通書道第六章曰聖人之道仁義中正而已矣守之貴行之利廓之配天地豈不易簡豈爲難知不守不行不廓耳

至道歸一唐玄宗御註孝經序云至當歸一精義無二正義曰至極之當必歸於一精妙之義焉有二三將言諸家不同宜會合之也

粹而王荀子王霸篇云故曰粹而王駁而霸無一焉而亾此之謂也又見疆國篇賦篇

少林曹溪少林指達磨曹溪言慧能卽所謂六祖盧慧能者也

矯枉過直漢書許皇后傳矯枉者過直古今同之師古曰矯正也枉曲也言意在正曲遂過於直

盧扁楊子洽言重黎篇扁鵲盧人也而醫多盧

鬪湊珠璣數豆湊事相邂逅也又作湊投朱子語類云嘉會足以合禮許多嘉美一時鬪湊到此故謂之

會

養心通書後錄先生名張宗範之亭曰養心而爲之說曰孟子曰養心莫善於寡欲其爲人也寡欲雖有不存焉者寡矣其爲人也多欲雖有存焉者寡矣予謂養心不止於寡而存爾蓋寡焉以至於無無則誠立明通誠立賢也明通聖也是聖賢非性生必養心而至之養心之善有大焉如此存乎其人而已

以義制事商書仲虺之誥之文

要言不煩魏何晏聞平原管輅明術數請與論易鄧

颺在座謂輅曰君自謂善易而語不及易中詞義何也輅曰夫善易者不言易也晏笑而贊之曰可謂要言不煩

馬氏通考元馬端臨字貴與著文獻通考丘氏衍義補明丘濬字仲深號瓊山謚文莊公以真西山大學衍義敘格致誠正修齊而不及治國平天下作衍義補

馮氏類編明馮琦字用蘊著經濟類編章氏圖書編明章潢字本清著圖書編

黃石公事見漢書

先儒楊龜山曰汰言若孟子論行王政之類是也異言若其論好貨好色之類是也又以爲范祖禹曰孟子切於救民故謂今樂由古樂若必欲以禮樂治天下當如孔子言蓋孔子之言爲邦之正道孟子之言救時之急務

先王置媒氏周禮地官媒氏掌萬民之判凡男自成名以上皆書年月日名焉令男二十而娶女二十而嫁中春之月令會男女○鄭氏註云判半也得耦爲

合主合其半成夫婦也

宋孝宗按宋孝宗淳熙十五年王淮罷相周必大薦文公爲江西提刑入奏事或要于路曰云云文公曰云云及入對以存天理遏人欲爲言帝嘉納之○宋元通鑑曰互作隱默今從淵源續錄載行狀

迂濶朱子及與宮祠葉正則繳之云朱某素來迂濶

臣所不取見朱語類

天無私覆禮記孔子問居孔子曰奉公無私以勞天下子夏曰敢問何謂公無私孔子曰天無私覆地無

私載日月無私照奉斯二者以勞天下此之謂公無私

天工臯陶謨云無曠庶官天工人其代之可敵之愾春秋左氏傳文公四年諸侯敵王所愾而獻其功杜曰敵猶當也愾恨怒也

君子豹變易革卦上六爻辭

唐太宗事見唐書及通鑑

不復古禮見通書樂上第十七章

八風春秋左氏傳隱公五年衆仲曰夫舞所以節八

音而行八風

聖人但太秦甚漢書黃霸傳霸曰凡治道大其秦甚者耳

晦翁云問晦翁以二代而下皆人欲而非天理且如漢文帝資稟純粹如何斷以人欲潛室陳氏曰晦翁此語止謂秦漢而下不曾有徹底理學會問人其中好者只是天資粹美暗合聖賢元不從學問中來若以此人主要從學問中徹底理會便是湯以上人見性理大全

班固贊見漢書文帝紀贊○如淳云弋皂也賈誼曰身衣皂綵師古曰弋黑色也

見人一是家語六本篇曾子曰夫子見人之一善而忘其百非是夫子之易事也

儒者性理大全通鑑總論漢文平生所爲大抵出於黃老至其得力處亦是黃老不聞有無情少恩之病何耶曰文帝天資粹美却能轉得黃老不好處作好處景帝天資刻忍却將黃老好處轉作不好處○同上漢文帝資質較好然皆老氏術也

河汾指文中子也按隋書文中子姓王名通龍門人幼篤學慨然有濟蒼生之志詣長安奏太平十二策不見用退居河汾教授放古作經又爲中說以擬論語大業初徵不至及卒門人謚曰文中子

永康指宋陳同甫也號龍川按宋鑑陳亮字同甫永康人自幼穎異爲文俊麗雄偉有奇志恒以經濟天下自任紹興賜狀元及第諡文毅○語類問文中子之學朱子曰他有箇意思以爲堯舜三代也只與後世一般也只是偶然做得著問他續詩續書意是如此因舉答

賈瓊數處說曰近日陳同父便是這般說話他便忌程先生說帝王以道治天下後世只是以智力把持天下正緣這話說得他病處

聶夷中唐文粹古文真審作李紳○唐范擴雲溪友議云李相公紳督大梁云云初公赴薦嘗以古風求知呂化光溫謂齊員外煦及弟恭曰吾觀李十二秀才之文斯人必爲鄉相果如其言詩曰春種一粒粟秋收萬顆子四海無閒田農夫猶餓死鋤禾日當午汗滴禾中土誰知盤中食粒粒皆辛苦○孫光憲北夢瑣

言咸通中禮部侍郎高湜知舉榜內孤貧者有攝夷中河南中都人少貧苦精古體詠田家詩云父耕原上田子斲山下荒六月禾未秀官家已修倉又云鋤禾當日午汗滴禾下土誰念盤中飧粒粒皆辛苦又云二月賣新絲五月糴新穀醫得眼前瘡剜却心頭肉我願君王心化爲光明燭不照綺羅筵只照逃亡屋所謂言近旨遠合二百篇之旨

馮驩事見史記孟嘗君傳

鹿臺書武成云散鹿臺之財發鉅橋之財漢書張良傳

註臣瓊曰鹿臺臺名今在朝歌城中按殷紂積財之處

郿塢按通鑑董卓弟及宗族老弱在郿塢中有金一三萬斤銀八九萬斤錦繡奇玩積如岳

滕文公孝經大義熊禾序滕五十里國耳其君「用之」至於四方艸偃風動一時行事猶班班有三代之風學問之功用固如此

彌文揚雄校獵賦或稱羲農豈或帝王之彌文哉師古曰豈謂後代帝王彌加文飾乎

開元禮唐開元中集賢院學士蕭嵩王仲丘等撰凡一百五十卷唐之五禮之文始備於是遂以設科取士新史禮樂志大畧采摭著于篇

開審禮宋開審中詔劉溫叟等撰開寶通禮凡二百卷損益開元禮爲之附益以宋之新制

政和禮宋政和間知樞密院鄭居中等撰政和五禮新儀一百四十卷目錄五卷有祐陵御製序

祈天周書召誥曰王其德之用祈天永命

天視古文周書泰誓中之文

曆過其數左傳宣公二年周王孫滿曰成王定鼎于郊廟卜世三十卜年七百天所命也

九有商書咸有一德受天明命以有九有之師爰革夏正

刑罰清易豫卦彖云聖人以順動則刑罰清而民服

罪疑古文大禹謨文臯陶之言

守錢虜後漢書馬援傳因處田牧至有牛馬羊數千頭穀數萬斛既而歎曰凡殖貨財產貴其能施賑也否則守錢虜耳

黃帝莊子在宥篇黃帝立爲天子十九年令行天下聞廣成子在空同之上故往見之

褪身揚子法言修身篇問士何如斯可以褪身註李軌曰褪安吳祕曰褪福也福者百順之名

具瞻詩節南山云赫赫師尹民具爾瞻

程嬰杵臼史晉大夫趙氏家臣事見史記世家荆軻豫讓荆軻爲燕太子丹刺秦王豫讓爲智伯刺趙襄子事俱見史記刺客傳

婁師德按唐書婁師德字宗仁鄭州原武人仕武后

朝總邊要爲將相者二十年恭勤樸忠心無適莫方酷吏殘鷙人多不免獨能以功名始終與郝處俊相亞世之言長者稱婁郝

感激伊川曰感慨殺身者易從容就義者難近思錄第十二載

求忠臣求忠臣必於孝子之門孝經緯之言也見東漢衛彪傳註

在君爲君五代史唐明宗家人傳論無父烏庄無君鳥以爲生而世之言曰爲忠孝者不兩全夫豈然哉

其父以兵攻其君爲其子者從父乎從君乎曰身從其居志從其義可也身居君所則從君居父所則從父

青藍之譽荀子勸學篇云君子曰學不可以已青出之於藍而青於藍冰水爲之而寒於水

入室操戈後漢鄭玄傳任城何休好公羊學著公羊墨守左氏膏肓殲廢疾玄乃發墨守鍼膏肓起廢疾休嘆曰康成入吾室操吾戈以伐我乎

習慣如天性前漢書賈誼傳孔子曰少成若天性習

貫如自然○師古曰貫亦習也

前輩周櫟園書影曰甬東薛千仍岡曰誘人子弟入飲博之門其罪小誘人子弟入詩文邪路當服上刑語皆有意味○周名亮工號櫟園著因樹屋書影四冊清人

君子之交禮聘義云君子之接如永小人之接如醴君子淡以成小人甘以壞○又林回云君子之交淡若水小人之交甘若醴

一視同仁韓文公原人

表叔母之兄弟之子曰表兄弟所謂舅之子外兄弟是也二程之父大中公珦母張氏與橫渠之父爲同胞則大中指橫渠爲表弟二程以爲表叔也明道行狀云父表弟張載橫渠行狀二程云表叔平庄議論謂願兄弟有同處則可是也

吳師禮二程遺書卷一伯淳近與吳師禮談介甫之學錯處謂師禮曰爲我盡爲達諸介甫我亦未敢自以爲是如有說願往復此天下公理無彼我果能明辨不有益于介甫則必有益于我云云

桺子厚答韋中立論師道書子不有得焉則我得矣李退溪李退溪名滉朝鮮人鈔朱子書札曰朱子書節要行于世

町畦莊子人間世且爲無町畦亦與之爲無町畦林希逸云無町畦者無畔岸也陸方壺云無町畦言無準繩也

端慤荀子端慤誠信拘守而詳又云端慤順弟則可謂善少者矣

淵藪周書武成爲天下逋逃主萃淵藪

王新建按明王守仁字伯安號陽明先生謚文成以平寧王宸濠有功封新建伯故稱王新建與日月爭光史屈原傳推此志也雖與日月爭光可矣○淮南子繆稱訓善庄乎君子誘然與日月爭光○張南軒讀胡澹菴封事曰雖與日月爭光可也見性理大全

關張之譏按劉備與亮情好日密關羽張飛不悅備解之曰孤之有孔明猶魚之有水也羽飛乃止

孔文仲之誣按宋史元祐初司馬光呂公著薦程頤

哲宗授以西京國子教授尋召爲祕書郎崇政殿說書顧與蘓軾議論素不合會顧門人賈易朱光庭合攻軾胡宗愈顧臨又詆顧不宜用孔文仲極論之遂出管勾西京國子監久之加直祕閣董敦逸復摭其有怨望語太官紹聖中削籍竄涪州

實際張子正蒙云釋氏語實際乃知道者所謂誠也天德也集釋云際處也交會之門也補註實際謂真際也

怡然杜預左氏傳序曰渙然冰釋怡然理順然後爲

得也

抽關宋大常丞臧格周濂溪謚議云先庄抽關啓鑰得吾道之正傳自謂無愧於心見周子全書

促迫杜詩王宰畫山水歌十日畫一水五日畫一石能事不受相促迫

真積力久荀子勸學篇真積力久則入楊倞註云真誠也力行也我積力久則能入於學也

鹽吾知其鹹金玉詩話杜少陵云作詩用事要如釋語水中著鹽飲水乃知鹽味此說詩家祕密藏也見

說郛

三千世界佛氏以須彌四州爲一小世界積于小世界爲中世界積于中世界爲大世界合而言之曰三千世界詳于佛典不縷述

儒者以十二萬按元會運世之說始於邵康節其數本於易之莊數一元之中有十二會一會之中有二十運一運之中有十二世三十年爲一世以準一歲之有十一月一月之有三十日一日之有十二時也一運則二百年也一會則一萬八百年也一元

則十二萬九千六百年也其說詳于皇極經世書
三赦三宥周禮司刑掌三赦一赦曰幼弱再赦曰老
耄三赦曰惄愚三宥不識過失遺忘
惟刑之恤書舜典欽哉欽哉惟刑之恤哉
姑息禮檀弓云君子之愛人也以德細人之愛人也
以姑息

區區漢書穆庄曰豈爲區區之禮哉師古曰區區謂
小也

善善公羊傳昭公二十九年君子之善善也長惡惡也

短惡惡止其身善善及子孫

主張莊子天運篇孰主張是孰綱維是林希逸云主
張綱維但是著力之意

太虛張子正蒙太和篇云太虛不能無氣氣不能不聚而
爲萬物萬物不能不散而爲太虛又云氣坱然太虛
升降飛揚未嘗止息又云氣之聚散於太虛猶冰凝
釋於水知太虛卽氣氣則無又云由太虛有天之名
由氣化有道之名又曰天之不禦莫大於太虛云云
按太虛之言雖從前有之而主張爲說則始於張子

蓋以四方上下之寥廓無邊際自爲太虛以此爲萬化之本則近漢志所云太虛元氣函爲一之說與以無極之眞爲萬化之本大不同矣此書所說亦自張子之說出先子在日屢屢提說橫渠之旨甚近理又按周子朱子皆以一理爲造化之本張子則以氣爲本故屢言太虛而朱子潛室陳氏以太虛爲卽太極則與周子說混合而大乖張子之旨觀其曰氣坱然太虛曰太虛卽氣則非主理而言也的然矣櫛撲不破程子曰性卽理也朱子曰性卽理也一語

自孔子後惟伊川說得盡櫛撲不破露洩程子云堯夫於物理上儘說得亦大段洩漏他天機尹和靖問程子曰體用一源顯微無間莫太洩露天機否○朱語類百一十五參同契爲艱深之詞使人難曉大槩其說以爲欲明言之恐泄天機欲不說來又却可惜

欲明言之朱子曰參同契爲艱深之詞使人難曉其中有一千周萬遍之說欲人之熟讀以得之也大槩其說以爲欲明言之恐泄天機欲明說來又却可惜

樞紐 太極圖解曰上天之載無聲無臭而實造化之樞紐品橐之根柢也

所謂萬法傳燈錄 僧問趙州萬法歸一歸何處州云我在青州作一領布衫重七斤

走馬燈 歲時記曰正月上元作燈市採松葉結棚于通衢下綴華燈燈有諸品其懸紙人馬於中以火運之曰走馬燈

跂行喙息 此一句出淮南子詳于上

歐陽子之言 見本集答李詡第一書曰脩患世之學

者多言性故常爲說曰夫性非學者之所急而聖人之所罕言也龜山所斥據此畫而言其說甚詳當參看本書

誰爲後來者柳子厚南澗中題詩云索莫竟何事徘徊自知誰爲後來者當與此心期

仁人正其誼 按漢書董仲舒爲江都王相事易王王問仲舒曰粵王勾踐與大夫泄庸種蠡謀伐吳遂滅之孔子稱殷有三仁寡人亦以爲粵有三仁仲舒對曰粵本無一仁夫人者五云○師古曰粵有二仁

泄庸大夫種范蠡也

責己者正蒙中正篇第八責己者當知天下國家無皆非之之理故學至於不尤入學之至也○按此語近思錄第五卷載之無字在天下字上蓋朱子改修也今從近思錄

王述按晉書王述字懷祖性沈靜每坐客馳辨異端競起而述處之恬如也嘗見王導每發言一坐莫不贊美述正色曰人非堯舜何得每事盡善導改容讌之賁卦按易離下艮上爲貴象曰文明以止人文也程

子傳云質必有文自然之理理必有對待庄庄之本也有上則有下有此則有彼有質則有文一不獨立二則爲文非知道者孰能識之

瑕瑜禮記聘義瑕不掩瑜瑜不掩瑕忠也鄭氏曰瑕玉之病也瑜其間中美者

童子問標釋卷之中終

往之謂也。無其間中美音。

題詠數句，與標題不類。余故不錄。宋史記卷之二十八

張良文集卷之二十八

七

此土相風不齊。根高木有高風。故人之大才者，

古之賢公巨父，自必名實俱重，方能得此。

八

童子問標釋卷之下

男長胤 輯

蘓氏胡氏見孟子告子篇集註及大全蘓氏謂東坡也胡氏謂文定及五峯也

四凶見春秋左氏傳文公十八年魯大夫季文子之

言

子越左宣四年楚司馬子良庄子越叔子文曰必殺之是子也熊虎之狀而豺狼之聲弗殺必滅若敖氏矣

揚食我左昭二十八年晉殺祁盈及揚食我遂滅祁氏羊舌氏伯石始生子容之母走謁諸姑曰長叔奴生男姑視之及堂聞其聲而還曰是豺狼之聲也狼子野心非是莫喪羊舌氏矣遂弗視○杜云楊叔向邑食我叔向子伯石也子容母叔向嫂伯華妻也姑叔向母

順妥品字箋妥安也平也又妥帖安常而帖然也披砂簡金劉義慶世說陸士衡文如披沙揀金往往見審又見鍾嶸詩品又桺子厚有披沙揀金賦

捨短王符潛夫論實貢篇智者弃短取長以致其功賓於王家書微子之命殷王元子云云修其禮物作賓于王家

斷章取義孟子魯頌曰云云集註此詩爲僖公之頌而孟子以周公言之亦斷章取義也

四代四代謂虞夏商周蔡氏書傳序曰四代之書分爲六卷

易以道陰陽莊子天下篇詩以道志書以道事禮以道行樂以道和易以道陰陽春秋以道名分

歐陽子以爲易童子問云何謂子曰者講師之言也說卦雜卦者筮人之占書也○詳見于字義標註荀悅荀悅字仲豫後漢人唐書藝文志編年類荀悅漢紀三十卷應劭等註

習鑿齒習鑿齒字彥威晉人唐書藝文志編年類習鑿齒漢晉春秋五十四卷○晉書傳云桓溫覬覦非望鑿齒在郡著漢晉春秋以裁正之起漢光武終晉愍帝於三國之時蜀以宗室爲正魏武雖受漢禪晉尚爲篡逆至文帝平蜀乃爲漢亡而晉始興焉凡五

十四卷

朱考亭朱子居考亭書院故稱朱考亭按通考司馬公通鑑有目錄舉要其後胡安國又修爲舉要補遺朱晦翁因別爲義例著此書大書者爲綱分註者爲目綱如經目如傳凡五十卷

隱語蘓老泉諫論伍舉進隱語莊王淫益甚隱語卽謎語也委巷叢談云古之所謂廋辭卽今之隱語也而俗謂之謎

姓姜人朱子語類一百一十五將臨川何言江默之

事觀之說道公羊穀梁是姓姜人一手做也有這般事按公羊及穀梁一字反語皆叶姜字姜是齊姓二傳中多齊人語故云出於姜氏人一手詭其姓名也稗說漢書藝文志小說家者流蓋出於稗官如淳曰細米爲稗街談巷說其細碎之言也王者欲知閭巷風俗故立稗官使稱說之今世亦謂偶語爲稗師古曰稗音梯稗之稗

襍劇陶九成輟耕錄院本名目唐有傳奇宋有戲曲唱譚詞說金有院本雜劇諸公調院本襍劇其實一

也國朝院本襍劇始釐而二乏

自黃老中來

象山語錄曰洙泗門人其間自有與老子之徒相通者故記禮之書其言多原老氏之意

樂記所載楊慎曰云云見字義標註

淮南子原道訓云人生而靜天之性也感而後動性之害也物至而神應知之動也知與物接而好憎生

焉好憎成形而知誘於外不能反已而天理滅矣

律呂隔八後漢鄭康成曰陽管爲律陰管爲呂布十二辰子爲黃鍾管圓九分而長九寸同位娶妻隔八

生子下庄者二分太一上庄者二分益一黃鍾乾之初九也隔八而下生林鍾坤之初六林鍾又隔八而上庄太簇之九二五詳于文獻通考

欄柄大慧謂張子韶曰左右既得欄柄入手開導之間當改頭換面隨宜說法使殊塗同歸則世出世間兩無遺恨矣

退一步五雜組十五云老氏三寶不過退一步汰易經曰日中則昃月中則虧聖人處世亦是退一步汰聖人裁成易泰大象曰天地交泰后以財成天地之

道輔相天地之宜以左右民

蓬生麻中荀子勸學篇云蓬生麻中不扶而直○說苑說叢云蓬生枲中不扶自直白沙入泥與之皆黑一木之支大厦後漢桓帝時郭泰舉有道不就然猶周旋京師誨誘不息徐稚以書戒泰曰夫大木將顛非一繩所維何爲栖栖不遑寧處泰感悟曰謹拜斯言

謾聞學記發慮憲求善良足以謾聞不足以動衆鄭玄曰謾之言小也疏謾思了反聞音問聲聞正義曰

此是人身上小善故小有聲聞也陳皓曰此二者可以少致聲譽不能以感動衆人○按謾聞本爲名聞之義後人文字多做寡聞使用乃聞見之聞非名譽也上表唐憲宗元和中迎西域佛骨韓愈上表諫帝大怒將誅之因宰相裴度崔群等救免貶潮州刺史事詳唐書通鑑

面發宋寧宗時韓侂胄自謂有定策功居中用事朱子自長沙辭免待制侍講已微寓其意及進對復再三面言又約吏部侍郎彭龜年共攻之事見行狀及

鶴林玉露

方孝孺按明太祖崩皇太子允炆卽位改元建文時諸王以叔父之尊多不遜服太常卿黃子澄兵部尚書齊泰等欲稍削其權既而召漢中府教授方孝孺爲翰林院侍講直文淵閣燕王棣高帝之子建文之叔父也表列齊泰等罪起兵向闕號靖難五年師次金川門大內火建文帝焚死初燕王發北平僧道衍勸燕王勿殺孝孺於是鎮撫伍雲等執以獻燕王待以不死乃召出獄斬衰入見使草卽位詔孝孺且哭且罵曰

死卽死耳詔不可草燕王大怒磔之聚寶門外九族既戮乃及朋友門生等爲一族坐死者八百七十三人古今刑禍之酷未有如是之濫者也燕王卽位改元永樂是爲成祖文皇帝事詳于皇明通紀及明紀事本末李夢陽按李夢陽字獻吉號空同明武宗正德中宦者馬永成劉瑾以青宮舊恩日導逸樂漸弄萬機戶部尚書韓文深憤憂之卽中李夢陽說之爲具疏草極諫夢陽及文遂罷官下獄史云初舉朝共攻瑾等欲誅之期在必克兵部尚書許進謂同事者曰此屬得疎斥

足矣果浚其事恐甘露之變時不能從旣而果如言卒貽數年之禍識者恨之

佛氏謂宋僧洪覺範冷齋夜話云朱世英言予昔從文公於定林數夕聞所未聞嘗曰子曾讀游俠傳否移此心學無上菩提誰能禦哉又曰成周二代之際聖人多生吾儒中兩漢已下聖人多生佛中此不易之論也又曰吾止以雪峯一向語作宰相世英曰願聞雪峯之語公曰這老子嘗爲衆曰是什麼仁智合一張子正蒙誠明篇第六云義命合一存乎

理仁智合一存乎聖

慧能後魏大和中達摩自天竺來倡禪宗六傳至慧能能姓盧氏故稱盧慧能是爲六祖居曹溪唐憲宗時賜諡大鑒禪子厚爲撰碑曰凡言禪皆本曹溪投効後漢崔駰傳遂投効歸註投辭自効有過不合應舉又周顥等傳投効而太註案罪曰効自投其効狀而太也投猶下也今有投辭投牒之言也

房杜韓范唐太宗時房玄齡杜如晦爲相宋仁宗時韓琦范仲淹爲相後世言賢相者必稱之

蘭若通鑑唐紀元和中薛平奏請賜中條山蘭若額爲太和寺蓋賜額者爲寺私造爲招提爲蘭若○正字通浮屠所居曰蘭若一曰阿練若謂空靜處也裴休按唐書裴休字公美大中六年進同中書門下平章事卒贈太尉宣宗嘗曰休眞儒者然嗜浮屠汰居常不御酒肉講求其說演繹附著數萬言習歌唄以爲樂與紇于衆素善至爲桑門號以相字當世嘲薄之而所好不衰

白樂天蘓東坡一公事實不待考楊免曰異端蟠結

於中國而不解者以名士大夫主之也故唐則蕭瑀王縉白居易裴休梁蕭也宋則王安石蘓軾黃庭堅張商英也故上而君相下而閭里信之而不疑見孟子滕文公太全

呂原明呂原明名希哲正獻公公著之子也徽宗時爲光祿少卿晚從圓照證悟等禪衲盡究其道曰佛之道與吾聖人合詳于伊洛淵源錄

兩可列子力命篇鄧析操兩可之說設無窮之辭數塵五雜組曰至於李材數塵此華士少正卯之流

視新建又不知隔幾塵矣○又曰人之相去誠隔數塵云云○貴耳集种放見陳圖南曰意謂子有仙風道骨奈何尚隔一塵一塵謂五百年也○山堂肆考曰吳人丁約隱于卒伍韋子威師事之三日辭去約謂子威曰卽君得道尚隔兩塵言子威尚有兩世塵緣未滿也儒謂之世釋謂之劫道謂之塵

晉尾衡決漢書賈誼傳本末舛逆晉尾衡決無欲主靜出太極圖說周濂溪之旨

持敬程朱之學持敬窮理二者爲要程子曰涵養須

用敬進學則在致知朱子曰主敬以立其本窮理以進其知一者不可偏廢

銖銖而量漢書枚乘傳夫銖銖而稱之至石必差寸而度之至丈必過

指摘列子黃帝篇云斫撻無傷痛指摘無痛癢至疾革事見禮檀弓

二十四節漢書司馬遷自敘傳夫陰陽四時八位十二度二十四節各有教令

七十二候見禮記月令

有生於無老子經第四十章曰天下之物生於有有生於無○性理大全吳臨川曰老子云天下萬物生於有有生於無萬物者指動植之類而言有字指陰陽之氣而言無字指無形之道體而言此老子本旨也理在氣中元不相離老子以爲先有理而後有氣橫渠張子詆其有生於無之非晦菴先生詆其有無爲一之非其無字是說理字有字是說氣字

袁樞袁樞字機仲建安人幼力學嘗以修身爲務作通鑑記事本末寧宗時擢右文殿修撰知江陵府間

居作易傳解義辨異童子問等書藏于家見弘簡錄

○朱子答袁機仲書曰言之不盡偶得小詩以寄鄙懷曰忽然半夜一聲雷萬戶千門次第開若識無心涵有象許君親見伏羲來說得太卽當了只少箇拄杖卓一下便是一向普說矣狂妄僭率幸勿鄙詬也

芥子納須彌出維摩詰經

諸子區區正蒙大易篇云大易不言有無言有無諸子之陋也

心猿意馬汰苑珠林九十九書云立身行道揚名於

後世言行忠信戰戰兢兢豈可放縱心馬不加轡勒馳騁情猿都無制鎖○宗鏡錄三喻如經中說衆生心性猶如獮猴獮猴之性捨一取一衆生心性亦復如是又曰卽今衆生之心如猿猴之處高樹上下不停

孤明歷歷萬劫無盡一句出僧永明宗鏡錄言此心之明閱終古而不滅也○宗杲嘗謂士人鄭尚明曰你只今這聽汰說汰一段歷歷孤明底未生已前畢竟在甚麼處曰不知果曰你若不知便是生大你百

歲後四大五蘊一時解散到這裏歷歷孤明底却向甚麼處去曰也不知果曰你既不知便是死大又嘗示宮機宜云見今歷歷孤明與人分是非別好醜底決定是有是無是真實是虛妄前此臨澁亦嘗語其徒曰四大身不解說法聽法是汝目前孤明歷歷勿形段者解說法聽法觀此數節則佛氏之所謂性亦何難見之有渠道只是如此本不須苦求解悟然而必以悟爲則者只是要見得此歷歷孤明境界更親切爾縱使見得親切夫安歷歷孤明者之非性而

性自有真邪

唐荊川先生碑編
卷之七十一載之

趙孟靜焦氏筆乘朱子解經不謂無功但于聖賢大旨未暇掇拾遇精微語輒恐其類禪而以他說解之是微言妙義獨禪家所有而糟粕乃儒家物也必然矣趙學士孟靜云昔讀朱子私抄未嘗不惜晦翁之字孟靜內江人嘉靖乙未進士隆慶初起吏部侍郎掌詹事府屢遷禮部尚書入直文淵閣卒贈少保謚文肅公剛忠英偉稱其氣貌議論慷慨有孔文舉蘊

予瞻之風以宰輔忤時太國入五臺山參禪趺坐與老禪和扣擊宗旨久之而太著經世通出世通二書未就而卒○名山藏趙貞吉傳貞吉精通內典好講黃石素書平生持論謂一氏學通吾儒必出世乃可經世嘗道汴游嵩高抱犢伏牛諸山巡撫蔡汝楠逆而問學貞吉爲列圖明三教所繇起曰儒者見之謂之儒僊者見之謂之僊佛者見之謂之佛擬述二通內篇曰經世通外篇曰出世通使出世不忘經世之用經世不碍出世之體未就而卒文章高朗雄健

其爲人英偉慷慨至老不衰

林兆恩明季人所著有林氏全書五雜組林兆恩會通二教自謂海內一人而臨死乃病狂喪心便溺俱下

寢處左傳襄公二十二年晉州綽曰臣食其肉而寢處其皮矣又二十八年齊盧蒲勞曰譬之如禽獸吾寢處之矣

韓幹杜甫丹青引贈曹將軍霸曰弟子韓幹早入室亦能畫馬窮殊相○邵寶曰韓幹善畫馬大梁人王

維見其畫，遂推獎之。尤工鞍馬。

時好前貨殖，傳士設反道之行，進時好而取世資。長物珠璣，數長物賸物並多餘之物。貪多鬪靡。韓文送陳秀才形序云：讀書以爲學，纘言以爲文，非以誇多而鬪靡也。

數行俱下。謝承後漢書應奉字世叔，讀書五行俱下。○梁書昭明太子統字德美，姿容善舉止，讀書數行並下，過目皆憶。共六御覽引○梁簡文名綱字世讚，小字六通。武帝第二子昭明太子母弟也。讀書十行俱。

下辭藻艷發，博學群書善談玄理。○老學菴筆記云：王性之讀書，真能五行俱下，往往佗人纔二、四行性之已盡一紙。○欒城遺言：歐陽文忠公讀書，五行俱下，吾嘗見之，但近觀耳，遠視何可當。

積以數寸。老學菴筆記云：尹少稷強記曰：能誦麻沙版本，書厚一寸。

古今之大治亂，朱語類云：讀史當觀大倫，理大機會，大治亂得失。

涑水按：溫公晉安平獻王孚之後，征東大將軍瑒葬。

陝州夏縣涑水鄉因家焉見弘簡錄故稱涑水先生。典故通鑑宋文帝紀尋漢魏以來廢太子諸王典故。胡二省曰典經常之籍也故舊事也。脰門鶴林玉露一朱文公告陳同父曰真正英雄人却從戰戰兢兢臨深履薄處做將出來若是血氣龐豪却一點使不著也此論於同父可謂頂門上一鉗矣。

蘇張蘓秦張儀也

曠古南史袁昂傳臣之所荷曠古不書臣之所死未

知何地

立身

孫恩孫恩字靈秀琅琊人孫秀之族也世奉五斗米道據會稽自號征東將軍號其黨曰長生人臨海太守辛景討破走赴水自沈

晉書一百

李全李全者灘州北海農家子權謫善下人以弓馬超捷能運鐵槍時號李鐵槍

宋史四百七十六

范曄著方伎傳范曄字蔚宗劉宋時人作後漢書○宋羅大經鶴林玉露云范曄作東漢史爲方士立傳如左慈之事妖怪特甚君子所不道而乃大書特書

之何其陋也云云

冠冕國史補懷素草工瘦張長史草工肥此兩人一代草書冠冕也

天中記

鑒書素問藏氣法時論云五穀爲養五果爲助王冰曰五穀謂粳米小豆麥大豆黃黍也五果謂桃李杏栗棗也

韓柳歐曾一蘓唐韓愈柳宗元宋歐陽修曾鞏蘓洵及子軾秦漢以後最稱能文併王安石及軾弟轍稱唐宋八大家明人多有鈔選之作云

方正學方孝孺字希直又作希古明建文之變死節有遜志齊集二十四卷蜀王嘗賜名其讀書之齋曰正學故稱方正學

王遵岩歸震川明王慎中字道思號遵巖有集四十卷明歸有光字熙甫號震川任太僕寺丞故稱歸太僕有集三十卷別集十卷一家之文在明季最爲平穩故茅鹿門在明文專稱一家及唐荆川三人云葉水心葉適字正則宋永嘉人號水心先生○文章一貫謝豐山云范文正嚴先生祠堂記字少意多文

簡理詳有關世教非徒文也葉水心云爲文不關世
教雖工何益晦菴先生亦云胡文定父子最不輕下
人獨服此記

寫難狀之景梅聖俞嘗言詩之工者寫難狀之景如
在目前含不盡之意見於言外見詩人玉屑

風雲月露隋李誇傳云以時文體尚輕薄上書曰連
篇累牘不出月露之形積案盈箱唯是風雲之狀

質野呂氏童蒙訓學古人文字須得其短處如杜子
美詩頗有近質野處如封王簿親事不合詩之類是也

鄭善夫焦氏筆乘余家有鄭善夫比點杜詩其指摘
疵類不遺餘力然實子美之知己餘子議論雖多直
觀場之具云云

村陋句詩人玉屑東坡云杜解憂詩云云杜詩固無
敵然自致遠以下句真村陋也此取其瑕瓈世人雷
同不復譏評過矣然亦不能掩其美也

蕭統梁武帝姓蕭太子名統未卽位而卒謚昭明撰
文選

東萊呂祖謙字伯恭早擢高第歷官著作郎直祕閣

與朱子同時倡道於婺爲一代宗師號東萊先生卒謚曰成輯皇宋文鑑著書立言並行於世

西山真德秀字景元宋浦城人慶元中第進士累官至參知政事世稱西山先生卒謚文忠所著有大學

衍義讀書記文章正宗

退之畫記見本集貞元甲戌年退之與獨孤申叔彈碁勝而獲焉因爲記

吳訥按吳訥字敏德明海虞人謚文恪輯文章辨體凡二十卷外集五卷○名山藏訥撰著有思庵集小

學集解性理群書補註而所輯文章辨體鑒別精詳

慎蒙按慎蒙字子正歸安人號山泉嘉靖癸丑進士

任監察御史輯皇明文則二十卷萬姓統譜附名

海東青輶耕錄云白湛淵續演雅十詩云海青羽中

虎燕燕能制之海東青者俊禽也而群燕緣撲之卽

墜代醉篇云海東青鷹之鷙猛者也

韓歐古文按六朝已來四六駢驪之習盛而文體日

靡韓文公力救其弊文體一變以其非當時之習謂

之古文本傳云每言文章自漢司馬相如大史公劉

向揚雄後作者不世出故愈深按本元卓然樹立成一家言

麻雀正字通雀說文依入小鳥也今俗以其宿堂簷間呼爲瓦雀又曰黃雀麻雀

薰蕕冰炭左傳僖四年一薰一蕕十年尚猶有臭杜註曰薰香艸蕕臭艸十年有臭言善易消惡難除○鹽鐵論文學曰冰炭不同器日月不並明註劉峻曰薰蕕不同器梟鸞不接翼

寒乞語梁袁昂書評徐淮南書如南岡士大夫徒好

尚風範終不免寒乞○山谷云太白豪放人中鳳凰麒麟譬言如生富貴人雖醉著暝暗喚喚藝中作無義語終不作寒乞語見詩人玉屑

無將迎莊子應帝王篇至人之用心若鏡不將不迎林云將送也○程子定性書曰所謂定者動亦定靜亦定無將迎無内外葉采云將送也事之往也無將事之來也無迎

戶居莊子天運篇子貢曰然則人固有戶居而龍見雷聲而淵默發動如天地者乎又在宥篇戶居而龍

見淵默而雷聲林云戶居者其居如戶然卽曲禮所謂坐如戶也龍文采也戶居無爲而威儀可則自然有文故曰戶居而龍見淵深也靜也默不言也雷聲感動人也雖不言而德動人也禪家所謂是雖不言其聲如雷也故曰淵默而雷聲

調息箴朱子作在文集箴曰鼻端有白我其觀之隨時隨處容與倚移靜極而噓如春沼魚動極而翕如百蟲蟄氤氳開闢其好不窮孰其戶之不宰之功雲臥天行非予敢議守一處和一千一百歲○胡敬齋居

業錄曰參同契陰符經朱子註之甚無謂使入異端太調息箴亦不當作

引喻前出師表云不宜妄自菲薄引喻失義以塞忠諫之路

佛老之書莊子應帝王曰至人之用心若鏡不將不迎應而不藏故能勝物而不傷

綴旒詩商頌長發受小球大球爲下國綴旒○集傳綴猶結也旗之垂者也言爲天子而爲諸侯所係屬如旗之繆爲旒所綴著也

土梗正字通梗。庚上聲枝梗戰國策土偶謂桃梗曰子東國桃木削子以爲入水至泲子而汎汎將何如矣。又方言凡艸木刺關東謂之梗。又莊子田子方篇吾所學者真土梗耳。

安身立命玉屑滄浪詩評觀太白詩者要識真太白處學者於每篇中要識其安身立命處可也。

以萬鎰金譬傳習錄云人到純乎天理乃是聖金到足色方是精然聖人之力亦有大小不同猶金之分兩有輕重堯舜猶萬鎰文王孔子猶九千鎰禹湯

武王猶七八千鎰伯夷伊尹猶四五千鎰才力不同而純乎天理則同皆可謂之聖人猶分兩雖不同而足色則同皆可謂之精金云云

源愈深春秋公羊傳僖十五年云德厚者流光德薄者流界

聲教書禹貢朔南暨聲教訖于四海蔡沈云暨及也聲謂風聲教謂教化

海內外韓文送殷員外使回鶻序云凡四方萬國不問海內外無小大咸臣順於朝

臨雍又作^塵塵離學名天子曰^塵塵離諸侯曰^泮宮臨雍者天子臨幸大學也

稠人漢書灌夫傳稠人廣衆師古曰稠多也

三皇五帝胡雙湖曰三皇之號昉於周禮外史掌三皇五帝之書而不指其名其次則見於秦博士有天皇地皇人皇之議秦太古未遠三皇之稱此或庶幾焉至宋五峯胡氏直斷以孔子易大傳以伏羲神農黃帝堯舜爲五帝不信傳而信經其論始定○丘光庭兼明書曰鄭康成以伏羲女媧神農爲三皇宋均

以燧人伏羲神農爲三皇白虎通以伏羲神農祝融爲三皇孔安國以伏羲神農黃帝爲三皇

道士多假借禪宗釋編朱子曰老子初只是清淨無爲清淨無爲却帶得長生不死後來却只說得長生不死一項如今恰成箇巫祝專只理會厭禳祈禱這自經兩節變了○困知記三今之道家蓋源於古之巫祝與老子殊不相干老子誠亦異端然其爲道主於深根固蒂長生久視而已道德五千言具在於凡祈禳榮禱經咒符籙等事初未有一言及之而道家

立教乃推尊老子置之三清之列以爲其教之所從出不亦妄乎

醮祭隋經籍志曰有消災度厄之法依陰陽五行數術推入年命書之如章表之儀并具贊幣燒香陳讀云奏上天曹請爲除厄謂之上章夜中於星辰之下陳設醮脯齌餌幣物歷祀天皇太一祀五星列宿爲

書如上章之儀以奏之名之爲醮

傳燈山堂肆考曰僧以法傳度小師曰傳燈蓋以燈喻法謂能破暗也唐詩傳燈無白日宋蘇州僧道元

續佛祖及近世名人禪語爲傳燈錄二十卷

周羅伊川曰周羅事者先有周事之端在心皆病也葉采曰周羅俚語猶兜攬也按周羅蓋周密羅絡之義○無冤錄云昏吏兜攬受理註兜合也攬總持也歛衽漢書張良傳南面稱伯楚必歛衽而朝○師古曰衽衣襟也

童子問標釋卷之下終

寛保二年壬戌端月

日記本幕

旅宿

東京

間之町通御池上町

旅宿

東京

間之町通御池上町

平安書肆
林權兵衛

旅宿

東京

間之町通御池上町

旅宿

東京

間之町通御池上町

旅宿

東京

間之町通御池上町

織翁



